

重刻漢中府志

漢南續修郡志卷之十一

山川上

漢南府知府楚南嚴如煜 重輯

雷壩廳

太平山 在雷壩舊治西里許山勢明秀溪水迴環撫軍方以爲一

廳形勝改建廳治今廳城西北築於山上勢甚嵯峨

紫柏山 廳西北五十里層巒聳秀古柏陰森山頂暨山椒均有雷

侯祠相傳子房辟穀於此中有七十二洞峻險人不可到其山狀如龍形一名龍如山常產鹿壽草服之可以延年

柴關嶺 廳北五十里嶺西連紫柏山迤邐而登上下十五里亦棧道中一險往時嶺旁尚爲老林開墾人衆見其濯濯矣

畫眉關 廳南十里倚山環水徑路崎嶇

新開嶺 廳南二十五里與畫眉關均爲棧道必由之地倚峻嶺

下臨湍流夏秋水漲行人慄之

桅杆嶺 廳東南一百四十里通城固小河口爲古樂城出斜谷必由之路山勢陡峻徑路崎嶇計陟降險程三十里行人吁噫

菜子嶺 廳西南一百里山勢崔嵬西通鐵爐川

光化山 廳西南八十里崔嵬峻嶒與紫柏山相埒上有古木叢篁採藥之人甚多

獅子嶺 廳東北一百里突兀高峻狀若狻猊

號川河 俗名西河源出郿縣之奧山經鳳縣進口至碾子壩入廳又東南至倒貼金蒿壩河水注之南流至江口入紫金河

紫金河 源出郿縣之太白山靈湫歷盤屋境至太白河入廳卽褒

城黑龍江也南流至西河口西河注之又下至南河口小南河

水注之又下至武關武關河水注

之南入襄城界

蒿壩河

源出鳳縣銀門寺老松林
入廳境至倒貼金入號川河

小南河

發源城固之桅杆石五道梁西流至小南河口入紫金河

畱壩河

源出紫柏山至廟臺子柴關水注之經大小畱壩會東西

溝水至椒岩鋪入紫金河

武關河

源出菜子嶺至火燒店合襄城五十三壩水注之至武關

驛南入紫金河

野羊河

源出紫柏山至陳倉口陳倉溝水注之至鳳縣廢邱關合

三岔鳳嶺諸水西北至縣河鋪入故道水以其山多野羊故名

定遠廳

平溪山

廳東五里

七盤山

廳東六十里

拴馬嶺 聽東七十里山高五六里路徑盤折相傳漢張桓侯拴馬
於此

九打杵 聽東北九十里交西鄉縣界

星子山 聽東南八十里高出雲表綿亘百餘里上有未開老林爲
洋水發源之處其傍爲金竹山

老南山 聽東南一百四十里

五加山 聽東南一百五十里

茅埕子 聽南三十里當聽境赴川要道

九拱坪 聽南一百二十里山勢嵯峨林木陰翳

土地嶺 聽東南一百五十里交紫陽縣界

鹿池山 聽東南一百五十里爲川省入紫陽之路山幽谷暗

滾龍坡 聽南一百五十里山勢崎嶇入太平界

秋坡梁 廳南一百二十里落鹽場梁南爲太平西爲巴

州綿亘數十里高出雲表天之限以界雍梁也

大安山 廳西南二百里崔嵬險峻土人結寨其上

歸仁山 廳南一百里即漁渡壩後山

青崗坪 廳西二十里經畧額侯於此勦賊獲捷

降頭山 廳西八十里山勢陡峻上下計險程二十里

九元山 廳西南一百四十里山勢險峻林木陰翳與滾龍坡均爲

川陝扼要之地

井泉山 廳西一百八十里

油盤塹 廳西一百八十里

西大池 廳西二百四十里在老林旁山勢陡峻徑路崎嶇

盤龍山 廳西北三十里

柴子嶺 廳西北六十里

大巴山 廳西北二百里綿亘八百里在秦境者半一通城固南鄭
各山在川境者半連通江巴州南江各老林崇崗複嶂高入雲表
積雪至盛夏始消紅羊河發源於此南流至蜀爲巴江漢江以南
言老林者此山爲鉅與漢北之終南山阻奧相匹

小巴山 廳東北一百六十里與大巴山相連

清水河 發源巴山距城九十里下至廟河九陣壩水注之至長嶺
降頭山水注之至南溪鄧廠溝黃龍洞水注之至徐家河與平落
鹽場漁渡壩三河水相合同入四川通江爲巴水

紅羊河 發源巴山距城一百四十里下至湯家河三元壩水注之
石子壩黎壩水注之入四川通江

大小洋河 廳東九十里發源 至節草壩撈旗河水注之至

荒田嘴小洋河水注之繞城下三十里至陳家灘六十里至

黃石板出西鄉入漢江撈施江幸蜀軍士失旗于河

雙北河 廳東一百一十里發源星子山經大草地松樹壩鹿池壩

合各山水至茅壩關入紫陽茅壩河

三楮河 發源父子關距城一百二十里經由上楮河中楮河至下

楮河與大市川偏溪河水會入紫陽界注漢江

鴛鴦池 大巴山西盛旱水不涸時有兩鴛鴦游泳水中

龍泉 廳東南三里許泉水清徹從石隙中湧出同知嚴如煜禱雨

於此甘霖立沛泉旁有龍王廟

南鄭縣

漢山 一名旱山一統志在縣西南詩大雅瞻彼旱麓毛傳旱山名

漢書地理志南鄭縣有旱山池水所出周地圖記山上有雲節兩

輿地紀勝在縣西南二十里四峯八面南接巴山上有池水一名
天池山寰宇記山上有池方二十里舊志山嶽崆竒常春夏積雪
其右爲鳩谷迤東數里有茅溝山

立石山 縣西南三十里相近有玉泉嶺

玉京山 縣西南四十里一峯突插旱山之陽山接襄城界高五十
五里一稱鶴騰巖左右三巖相接狀類畫屏相傳昔人於此駕鶴
仙去巖半有三石洞深窅莫測溪水源發中梁注分兩歧東西灌
溉餘水峽流是巖爲瀑布焉

黃牛山 縣西南五十里魏書地形志華陽縣有黃牛山隋書地理
志南鄭縣有黃牛山寰宇記山有石黃色遠望如牛下有黃牛川
十道記云黃牛川有再熟之稻土人重之

籠蓋山 縣西南五十里其南山相接老楮河源出于此

寶頂山

縣西南七十里與峽山相接上生芝草

一名竇貝鼎山

龍頭山

縣南百四十四里

山與巴山相接東接光頭山亦為高聳

金華山

縣西南七十里與巴山相接峭峰峙起左右環繞旁有數

泉合為一池

雙乳山

縣西南七十五里廉水經其中兩山並峙宛如人乳

孤雲山

縣西南勢極險峻行人三日始達上有兩峰對峙故曰兩

角語云孤雲兩角去天一握

高望山

縣南二十里

峨公山

縣南六十里按宋書元嘉土年氏帥楊難當焚掠漢中南

漢中太守蕭承之自黃金進據峨公山擊賊敗之南齊書梁土民

思承之功於峨公山立廟祭祀即此山也

仙臺山

縣南百九十里一名玉女山高峻不可登上有古城三門

山下時聞鐘磬之聲道家開山經云仙人王女所居之地唐書地理志南鄭縣有王女山輿地紀勝仙臺在廉水縣按宋析一名米倉山與大巴山相連舊志米倉山高聳摩雲登其嶺則褰沔洋鳳俱歸一覽

大巴山 縣南百九十里東濱漢江與三峽相接山南即古巴國山即定遠之大巴綿亘數百里包孤雲兩角米倉諸山南與四川巴州之小巴山接

石臼嶺 縣東南八十里

幞頭山 縣東南百里以形似名又蒿壩洞在縣東南小黃村高崖

壁立前臨深澗洞當半崖有飛橋而入洞中極寬廣巉巖萬狀石乳參差

梁州山 縣東南百八十里其孤雲兩角諸山相接太山四圍

其中三十里許甚平廣或漢州治也一統志一名梁山

龍岡山

縣西十里隋書地理志南鄭縣有龍岡山華陽國志龍岡

北臨漢水南帶廉津輿地紀勝相傳梁天監中有龍鬬於此

按水經注萬石城在高原上原高十餘丈南遏水爲阻西北並帶漢水與華陽國志所云龍岡北臨漢水南帶廉津相合則龍岡當卽萬石城也五見古蹟

中梁山

縣西十五里唐書地理志南鄭縣有中梁山高數里上有

石馬池水春冬不涸時出雲雨見怪物一統志載南鄭褒城之界

南麓有玉女洞溪水自山峽下瀉懸如瀑布又數步有水湧出爲

玉女泉合溪水溉田

又中梁山山脈自沔縣定軍山來橫山之腹有乾明寺

神山

縣南八十餘里近青石關山有石洞深不可測水從洞中流

出洞口有石觀音像歲旱禱雨輒應土人謂之小南海

按神山洞水莫測其源或云四川保寧府廣元縣有龍背洞溪水流入洞中至此始出洞之南里許爲大佛洞深不可測洞口進寬窄不一中有石蓮石鼓皆石乳凝成有巨人跡庚午夏月縣丞李茂梁禱雨燃炬行洞中二十餘里至泉邊取水而出其泉清冽異常嚴太守兩次詣海禱雨均卽得甘霖禱時用長繩繫錫壺擲海泉初浮水面焚香復禱壺旋沉少頃壺從泉底湧出有泥糊口水已在中以水之多寡驗雨之大小屢著靈應太守匾於菴曰靈膏普濟

赤崖 縣西北蜀漢趙雲退師燒毀赤崖以北閣道百餘里後諸葛孔明卒於五丈原魏延退師復焚之卽此

襄城縣亦有赤崖未知孰是存考

天臺山 縣西北七十里頂平頂臺爲縣治之主山舊記山高數十里中巖有飛泉數百尺下爲

號佛子潭前巍然高聳者爲金

爐峰西有蠟燭峰峰下有之不知底止石磊磊層積如碑凌空
謂之石碑口土脉墳起如皇羅列謂之七穀堆皆山中奇勝

寶山 縣北十餘里舊傳山中得寶珠因名相近有白雲嶺

玉井洞 縣北十五里平岡有穴如井水色白人謂飲此可療病

獅子山 縣北四十里形如獅子下有佛洗潭按獅子山凡二其一在城固

七峰山 縣北五十里七峰峭拔相傳宋蘇軾曾遊此

王子山 七峰山之側峰巒峻拔如畫屏然

武鄉谷 蜀封諸葛亮爲侯國

按宋梁州刺史范柏年對明帝臣州有武鄉卽此魏書地形志襄
中郡武鄉縣延昌元年置攷其疆域蓋在今南鄭褒城二縣之間
十道志謂谷在府東北三十里實宇記謂在縣東北三十一里此
爲近之舊志云城北門內非也

漢水 在郡城南三里自沔而褒至縣西二十五里合褒水即黑水入

境又逕縣東南合廉水流繞漢中郡城東下又合池水即泠水又

三十里入城固界

褒水 縣西二十五里自褒城界來南流至龍江鋪小柏鄉入漢

廉水 自褒城界來東北流入于漢又華陽縣有廉水魏書地形志

廉水出巴嶺山流逕廉川故得其名又北注漢水寰宇記龍岡山
北有廉津廉水所經

按廉水河俗名剪子河源出西南山內合白巖河水流至黃官嶺
下南鄭紅廟堂水注之北流十餘里共西爲古廉水縣丞界北逕新
集流至郡城南四里入漢沿河鱗次作堰灌田數萬畝南褒之南

壩均稱膏沃此水之利與褒水相埒白巖河與沔縣之白水也

池水 地理志南鄭縣旱山水出東北入漢後魏書郡國志水

經注漢水右合沱水水出岷山下有祠寰宇記旱山有石池
卽池水之源

按舊志云池水卽禹貢之沱水鄭康成尚書注漢水有沱水潛水
沱池字同卽此攷鄭注梁州沱潛俱云二水亦謂自江漢出者並
未確指漢中漢書地理志蜀郡郫縣禹貢江沱在西東入大江此
班固自注特標之曰禹貢江沱此沱水在郫之明據爾雅郭璞注
沱水自蜀郡都安縣湔山與江別而東流今四川成都府灌縣西
南有郫江卽班志郭璞所稱禹貢之沱與南鄭無涉顏師古漢書
注於蜀郡郫縣汶江縣之沱南鄭汶江縣之沱並云音徒何反於
太原郡上艾縣之虓池水代郡鹵城縣之虓池河並云池音徒何
反而南鄭旱山之池無注則池讀如字不讀爲沱斷難牽合矣

老楮河 縣南十里源出籠蓋山經城南十五里北流入漢水經注

池水出旱山俗謂之獠子水夾溉諸田散流左注漢水輿地紀勝
孝子水在廉水縣源出米倉山下流合石劍等水號老子溪卽酈
道元所謂獠子水也

按舊志以池水卽老楮河據水經注池水俗謂之獠子

老楮卽獠子之譌

水之說也考池水出漢山老楮河出籠蓋山發源旣異明非一水
北魏時呼池水爲獠子水者指其合流處名之耳今仍分爲二水
至老子老楮當卽獠子之譌合之爲是

冷水河 源出旱山流入於老溪

紅花水 源出旱山與冷水合流入於老溪

按舊志無老溪蓋在老目河之異名也

黑水 出縣北山南流入漢庾仲雍曰黑水去高橋三十里諸葛亮

牋云朝發南鄭暮宿黑水四五十里指謂是水也